



UNIVERSITÄTS-
BIBLIOTHEK
PADERBORN

Lvdovici Carrionis Antiqvarvm Lectionvm Commentarii III

Carrion, Louis

Antverpiæ, M D LXXVI

Argentum Romae quando signatum. Eutropius, Fasti, Plinius, ea de re
correcti. Cap. III.

[urn:nbn:de:hbz:466:1-70907](https://nbn-resolving.org/urn:nbn:de:hbz:466:1-70907)

quem nuper Henricus magno litterarum bono
 prouulgauit, pleraque legitur, nisi quod nonnul-
 la in eo vitiosa sunt. Glossarius Graecus: *βαλάθρος*,
Vampal, scribe. *Vambalo*, *ἀσάθρος*, balathro: *βαλάθρος*,
μυός, ballatus, ballatum. *βληχμός* balatus. Glossarius
 Latinus: *balatus*, *βληχμός*. sed de eo alias dicendum
 erit. quod igitur is M. Fundus haesitaret lingua,
Bambalo, dictus est. notum est enim Graecos a-
 densiore in verbis concursu mutarum, vehemen-
 ter abhorruisse, propter eum, quem vocant, *psel-
 lismum*. quia re etiam nonnullis verbis, aliqui
 protis, vsu & commercio hominum interdixe-
 runt. quale est, *πέπομπε*. quod *βομβώδη κόμῳ* effi-
 cere videretur. quo illud etiam Comici *βομβώδη*
βομβάζ referendum est. de quibus ita mihi vi-
 detur.

*Argentum Romae quando signatum. Ento-
 pius, Fasti, Plinius, ea de
 re correcti.*

CAPVT III.

AR G E N T V M Romae publice ex S. C. pau-
 cis, ante bellum Punicum primum, annis
 signari coepisse, cum antea appenso vti consue-
 uissent, inter omnes satis constat. quibus tamen
 Consulibus senatus id fieri oportere censuerit,
 Populusque R. voluerit iusserit; plerique eorum,
 qui res Romanas nostra aetate litteris compre-
 henderunt, varie produnt. *Carolus Sigonius*, Italiae
 sol, qui princeps alijs ad Romanam historiam, in
 hanc lucem, è situ puluerulento, in quo oppressa
 misere iacebat, eruendam signum sustulit, *Q. Fabio*
Pictore

Ant. Mureti
 varia Lectorum
 LIII
 28

Pictore, L. Quintio Gulone, Consulibus, vult videri
 factum; deceptus, opinor, librorū, quibus vsus est,
 vitio. *Stephanis Pignus* vir doctissimus & his in re-
 bus mirandum in modum exercitatus, eumque
 secutus in Brūgensibus, *Consulum triumphorum*
Q. Romanorū fastis, noster *Goltzius*, alter in Græ-
 ca & Romana antiquitate inuestiganda *Varro*,
Q. Ogulnio Gallo, & *C. Fabio Pictori Consulibus*,
 id tribuere maluerunt. quos sane vt sequer, fa-
 cile sum adductus. primum enim *Fasti Graeci*,
Gallum & Pictorem; *Zonaras, Q. Gallum & Fabium*,
 hoc anno *Consules* prodiderunt. Deinde in iisdē
 illis *Goltzij Fastis*, duo nummi argentei videntur.
 quorum prior ab vna parte inscribitur: *C. Fabi.*
C. F. ab altera vero. *Ex A. pu.* quod ex argento
 publico interpretari soleo. vt ex his fortasse fuerit,
 qui tum primum Romae sunt signati. alterius
 nummi haec est inscriptio: *Q. OCV. CA.* *M*
 est, *Q. Oculnius Calius*. ad hoc, *Eutropius* eof-
 dem *Coss.* eidem anno dedit. si tamen eius ver-
 ba scribantur, vti debent. *Quinto*, inquit *Gulo-*
ne & C. Fabio Coss. Picentes bellum commouere, &
ab insequentibus Coss. P. Sempronio, Appio Can-
dio victi sunt. vbi *Elias Vinerus*, cuius in di-
 uersos scriptores accuratae & meditatae com-
 mentationes sunt, in vetere quodam libro pro,
Gulone, exstare, *Gallinio*, testatus est. quod cau-
 sam errori, in alijs, quot edita fuerunt, libris de-
 disse existimauerim. postremo *C. Plinius natura-*
 li historia, cuius mendo foedissimo liberandi, Plinius liv. xxxiii. cap. lli.
 in hunc sermonem sum ingressus, idem sen-
 sit. verba sunt: *Argentum signatum est anno*
vrbis 10. lxxxv. Q. Fabio Coss. quinque annis
ante

ante primum bellum Punicum, quae in codice antiquissimo bibliothecae Cameracensis, ita perhibentur: *Argentum signatum est anno V. C. DIO. LXXXV. Q. O. C. Fabio. Cons.* vt nemini dubium esse possit, quin per singulas illas, *Q. O. Quintum Ogulnium* intelligere sit necesse: & prior ille numerus, *quadringentos* annos signet: vnde primore detracta nota, *quingentos*, fecere librarij. Iam vero de posteriore illo numero, res est incerta. nam etsi argentum signatum quinque ante bellum Punicum primum praeuerit, auctor Plinio: tamen *XXCIV*, supra *DIO*, an *XXCV*, fuerit annus, nihilo magis certum est: cum bellum Punicum partim anno *V. C. DIO. XXCIX*, alij *DIO. XXCIX*, nonnulli etiam *DIOXC* excitatum fuisse scribant. Igitur Plinius, quod initio volebam, hanc in modum corrigendus est: *Argentum signatum est anno urbis DIO. XXCV. Q. Ogulni C. Fabio Consulibus. Eutropius: Q. Ogulnio & C. Fabio Consulibus Picentes bellum commouere. in falsis vero Consules ita collocandi:*

Q. Ogulnius L. F. A. N. Gallus.

C. Fabius. C. F. M. N. Pictor.

Gallum enim Consulem maiorem, vt veteres loquebatur, fuisse, ex Plinio & Eutropio probatum est. qui error ex Antonij Centij elegantis & eruditi Iureconsulti falsis etiam tollendus est; in quibus eo anno Consules non recte ponuntur:

L. Quinctius Gulo, C. Fabius Pictor.

Eutropius
lib. v.

Magistri

Ant. Muret
Varia Lectione
LIII
23